

武

繼

不

歸

來

260.167

3911

1-8



9



琴瑟不調  
則樂不興

琴瑟不調  
則樂不興



三修長樂縣志叙

祐於癸酉冬除長樂令今年餘矣長樂處鄂省極邊故容美土司所轄雍正未始撥地改縣立學的額則在乾隆中葉聞文物衣冠日趨於盛而志獨缺咸豐壬子李君玉山始蒐輯成書不二十年復為田逆所燬同治庚午龍君良山乃

長樂縣志

卷之首

叙

補而修之自祐下車後亟切攷求吏以補修志進公暇細閱觀星野氣候知天文觀疆域山川知地理觀沿革營建知人事觀產植賦稅知物力官師學校立於上而教化可成農桑禮樂興於下而風俗可厚選舉文學忠孝節烈耆老闡揚於鄉國而人材可盛倫紀可明瀏覽





一過閩邑瞭然李龍二公之裨益於斯  
土且裨益於官斯土者豈淺鮮哉顧由  
辛未迄今又逾四載時事遷移可增者  
復多適奉

藩憲札修爰有三修之舉雖然樂邑廣  
輪五百里守土者不能徧履而周知也  
徒恃詢訪搜羅以冀文損事增難矣矧

長樂縣志

卷之首

二

瘠貧之區資用不贍張皇宜補保無脫  
漏繁複乎祜從事茲役實深懼焉迺與  
學博劉君暨邑人士共商信者存之浮  
者汰之疑者闕之繼起諸人物則續之  
經費則捐廉助之委曲詳盡悉仍舊章  
率古也或典要更張易從時制遵今也  
閱數越月告成抑猶蕭規曹隨之遺意



云爾後之司牧此土者其尚匡所未逮  
焉斯則祐之厚幸也夫是為叙  
光緒元年乙亥歲仲陽之朔  
同知銜知長樂縣事長沙鄭敦祐撰





補修縣志序

朝廷張官設吏凡以為民也事之無關於民者雖足炫耀鉅觀不宜以役作吏之心力其有關於民則雖至纖之端苟有所闕畧亦不得謂為細事末務坐視焉而弗早為之所况其事若甚微而所繫正匪小焉者乎長樂縣

長樂縣志

卷之首

序

一

故容美所隸五峰司地雍正十三年改置縣設邑宰理其民榛莽甫闢無志乘之紀咸豐壬子歲前令李公玉山盡心民事集邑人士創修縣志紀載詳明同治八年冬予奉檄權縣篆縣處萬山中土瘠民貧欲有所循以保又檢志閱版闕片數十詢之吏吏曰此田逆



之變遘燹厄也今六年矣梓費無所出靡過  
而問者予念郭公夏五佚久難稽斯則無如  
何耳版多煨燼遺編尚存及今補之猶有可  
考患祇在乏資萊蕪甌雖幾欲生塵當壹意  
節縮以完斯舉越明年春積養廉七十金亟  
傾橐出之呼手民補刊復慮近歲節烈歷久

長樂縣志

卷之首

序

一

或湮沒弗彰詳慎採錄續登之簡甫逾月而  
鏤工告成夫吾人出而服官宜務其急且大  
者以有補斯民迂遠瑣細之圖當不屑為亦  
不暇為區區補鈇志版續紀懿行數端此奚  
足道然而志之所載罔非教養斯民之務儻  
竟聽其闕而莫之顧斷簡殘編風霜剝蝕積



久日甚後雖有慨然議修者考獻徵文苦無  
可據將此身既無補於民復使前人為民之  
意泯焉無存不益滋予戾歟然則今之闕者  
使全其事雖若甚微而俾異日愛民之宰有  
所考證遵而循之變而通之以久康斯民其  
所繫正匪小也予亦惟兢兢以盡為民之心

長樂縣志

卷之首

序

三

焉耳若遂謂能修舉廢墜則固猶有愧吾民  
也已

同治九年庚午孟夏上澣

署長樂縣事瀋甯龍兆霖撰





補續縣志序

且事有久易而實難而素而法固也  
鉅世不深維支子之率末知終兩完其  
而第歡望大祝鮮不認易平少可及  
正抄缺歟磨滅而不可收拾而招致  
大而難為不亦既哉然天下之法不至  
於殘缺歟磨滅而不可收拾而終幸以

長樂縣志 卷之首 序

知圖易而為小世法固也大而其幼為古能  
余於茲君民山補續志與縣志而曰概乎  
其言也夫樂邑初年所謂志也絳唐成李天  
玉山奉宰斯土招運謀之幸餘積經費  
盈千累百之學士文人遠搜旁採取事  
其書成嗟可謂勤矣志之距今垂三十年  
甲子冬田遂瀛子焚棟知縣出籍為志



乙丑年始入城求觀其書以珍集數年於  
城南梅氏詢之士人皆云金古頗少向平松  
有云存考棚女馬云由礼卷居民房以余  
因世中必抄缺也數年以來官於斯此  
日不暇及或暇及矣旋以經費量出而止  
余嘗言于學曰李君劍修此志多磨多  
此支一物之大一時之劍一人之求其美

長樂縣志

卷之四

修志姓名

二

其書者不可得也況重之以兵燹趨此  
缺不多以費小而易固不絕始經磨滅  
不可收拾量及已絕經年混局是人士知  
緩也或有待也古者此矣未甫下車即  
以學校培植人才以修之暇暇以志書  
為念今在訪版檢缺出十片躬自校  
對且出且錄五時採擇亦學考者自隨



序

雨粟以來人多著述結繩而後代有篇章宇宙  
間之天文地理人事諸大端一切均是流傳不朽  
者皆賴有典冊以志之耳志為史之一端國  
史而外在天下有一統志在省會有一通志在郡  
縣莫不各有志推之瀛寰亦有記西域亦可

長樂縣志

卷之首

序

志外夷事實無不可一覽而周知也長樂何獨  
無志乎春自道先庚戌來宰斯土即蒐求志乘  
網羅舊聞或者曰長樂屬長陽等縣時固  
各有志土司時有容美田舜年所著世述錄  
後有邑拔貢楊福煌所著漁洋小記然而既  
已改土且有撥入之地則事蹟在他志或可不



載也况世述錄漁洋小記亦未免畧而不詳之弊  
乎進而詢之或又曰前任王君與學博沙君著有  
草志二本春急詢所在則曰前任袁君攜入省垣  
失去更詢其副本又曰無之繼而漁閩訊弁陳君  
以前任喬君所著竹枝詞見示春閱之知其誠不  
足以當志也然則長樂將終無志乎哉春因是

長樂縣志

卷之首

序

二

收於興編輯之念為引示閭邑士民自夏徂冬至

應者辛亥春正商諸學博潘君命集各紳士謀

之僉以經費無出為咎而春念亦將息矣秋九月

少尹張君復憇愿其事春念又興再集各紳士

謀之已定分修採訪法邑人矣而又以十一月為期

至期竟無一至者春念又將息矣壬子春正邑選拔



田君泰斗來請以身任其事相均分修讀人至  
局與事花翎乃與楊君志素陳君仁齡向君  
日暉曾君煜廷至局春乃出其平日九子所經  
歷與耳目所見少畫筆於草者處則以為拋磚  
引玉之端然而晨星寥落未經採訪者多不若日  
諸君又分散矣夏四月楊君田君子賴君榮光昆

季暨分派採訪諸君接踵而至各願分任其子其  
未至者借魚雁達之而士林中且有徘徊觀望  
並阻撓其事者噫異矣春頷之怪令賴楊田陳諸  
君立稿向劉諸君編次凡稱之天文地理人事諸  
大端莫不旁搜遠引期以顯微闡幽徵實考信  
陸楚粵兵歆言迭傳而春終不忍以為山九仞功虧





一篲心也閱十月而考成蓋編輯志考如是之難  
矣斯舉也經費得自各保士民其始終任子賴  
田向諒君之力而春不與子春學問粗淺淺欠滂  
陋竊以為此志告成將後之覽者親乎天文不  
凌於氣候之炎涼必思節宣之有道觀乎地  
理不徒知幅員之廣闊必思經理之有宜親乎

人事生植宜繁也防禦宜密也賦役宜均也禮  
制宜謹也營建非尚夫華譽老少必急於安  
懷學校立而後人才以育教化興而後風俗愈  
淳明倫紀重節義賢師長行實政於上邑人  
士敦善俗於下則斯志一切均是流傳不朽者又  
不徒供博雅宏通之彥指摘貶笑已也其有



禪於斯邑者豈淺鮮哉是為序  
咸豐二年壬子吉月

賜同進士出身知長樂縣事保山李煥春撰



長樂縣志

卷之首

序

五



長樂縣志告成序

一舉而三善備焉者其創修邑志之謂乎搜往昔之奇可以道古也綜當時之務可以論今也垂取法之資可以傳後也自來通都大邑山川人物彪炳寰區未有不由傳述記載而來者則邑志之修誠重矣雖然志之修也難志之創修也尤難苟非公正慈

良留心經濟者何以倡厥議苟非文章學問超越尋常者何以主厥事苟非同心協力多所贊襄者何以竣厥功況樂邑自改土而後迄今百數十年先代之遺書半歸殘缺耆老之稱述漸就遺忘山川如故而疆域之沿革古蹟之源流不能悉考也民物依然而學校中之人才輩出鄉黨中之



芳行可嘉不能盡稽也前邑侯有志  
肇修解任而未能卒業前紳士約畧  
成稿經始而未能圖終此雖創修之  
維艱亦以不易成之書必待非常之  
人而後成焉耳道光丁未予承乏學  
篆與諸生聚講者數年叙及志書恒  
有志而未逮歲庚戌滇南名進士  
李玉山先生由南漳來宰斯邑勤於

吏治公餘之暇樂與諸生講經史課  
文藝循循然稱善誘焉期年而風行  
草偃爰集闔邑紳士議定修志章程  
不但捐廉爲倡亦且身任其勞無間  
寒暑考諸史乘之留遺稽諸土司之  
著述索諸遠年之案牘証諸隣封之  
記載徵諸本邑之文獻日與長嗣  
君少白叅互考訂摭著作之宏才備




諸體以潤色其間信以傳信疑以傳疑綱舉目張彙成一部而邑中之量力輪資者羣焉踴躍任編修採訪以及騰錄對讀飭材鳩工者亦復各勤乃事共襄美舉正惟良有司之文章經濟足以深服人心是以一唱百和相與有成若斯也今日者志書告竣闔邑增光山水將發其靈科甲可卜

其盛不獨輜軒問俗太史陳風與通都大邑無以異卽後之官斯土者開卷了然亦將多所裨益知其山川高下可以悟農桑之宜悉其風土人情可以明教化之道是先生治一時之樂邑直合百世之樂邑而治之矣然則一舉而三善備焉者其創修邑志之謂乎是爲序



晉

咸豐三年歲次癸丑仲春月長樂縣  
儒學訓導霽堂潘炳勳謹序



長樂縣志

卷之首

序

四



序

志與史一也然史統美惡而並紀志則專紀夫美所以表章軼事勝蹟而勸懲之意卽寓乎其中樂邑改土百餘年矣志獨缺如雖前任大令王公學博沙公輯有草志二本然皆畧而未詳且更散而無徵謂非樂邑憾事哉雖然有足幸者庚戌夏我玉山

父臺李公以滇西名宿來宰是邦肯下車卽切切以輯志爲念越期年政簡刑清民咸安之公於是曉諭紳耆議輯志書邑人士多以長樂地僻山深惴惴然恐其經費難濟而公之念究未嘗一日釋也辛亥冬仍召集闔邑紳耆會議諭諄諄命光等分司其事光適以家務蝟集兼之歲



暮未果今年春楊笙賓田一山諸君  
設立志局於試院公廨光於四月初  
始得附驥尾焉光才疎學淺一切事  
不敢妄置一喙悉惟公命是聽  
公聽政之暇日以搜羅爲事並分任  
田一山諸君採訪自天文地理建置  
以及職官人物藝文諸大端無不條  
分縷晰探溯其源流考覈其真偽品

定其類次一一筆之於書且隨時商  
確務編爲善本不期年而帙成嗚乎  
盛矣夫天下事有所本而因之則易  
爲力無所憑而創之則難爲功公  
於樂邑百餘年未修之志以一身肩  
之而董其成是豈偶然哉蓋其思於  
心者深故其告厥成也速非徒以宏  
通淹雅爲工也光不揣固陋爰輟數



語俾後之覽者讀其書想見其爲人  
而公之顯微闡幽善善從長之心  
遂以大著於天下  
咸豐二年歲次壬子嘉平月漁洋關  
居士賴榮光鏡河氏謹撰





長樂縣志目錄

卷首

序文 凡例 姓氏 輿圖

卷一

分野 翼宿圖 翼宿考 氣候附

卷二

疆域 疆界 路程 舖遞 鄉保 村坪 莊塢 園 場 街道 冲 壩 义

地坊 舖 溶店 舖

卷三

山川 山別各附尖 臺 門 坡 嶺 岡 寨 峽 壩 營 灣 巖 巖屋附 石 寨 礮

長樂縣志

卷之首

堡 棚 漕 窟 隘 窩 坑 荒 頭 腦 面 鼻 孔 附 嘴 口 隘 頂 子 洞 河

水泉 池 井 溪 潭 江 附 溝 洲 堰 溪

卷四

沿革 考 五峯司 石梁司 水濫司 長茅司 下崗長官 深溪長官 源通司 說附

卷五

營建 城垣 衙署 廟 寺 祠 庵 壇 院 閣 觀 宮 坊 堂 門 樓 臺 院

金 石 橋 梁 渡 附 關 隘 水利附

卷六

官師表 宦績附

卷七



武職官表

軍政附

卷八

物產

穀 豆 瓜 蔬 笋 蕈 菌 菓 花 介  
竹 木 草 藥 貨 禽 獸 魚 介  
蟲 古樹附

卷九

賦役

戶口 田賦 條餉 俸工 雜稅 鹽務  
官租 倉儲附 社倉附 捐欸附

卷十

學校

設學源流 臥碑 尊謚如封考 從祀里  
居考 名宦 鄉賢 昭忠祠 學田附  
書院附 賓興田房附

卷十一

長樂縣志

卷之首

目錄

二

禮樂

祭品 樂章 樂器 祭文 祭儀 社稷  
厲壇 耕藉 上任 立春 朔望 迎詔  
鄉飲

卷十二

風俗

冠婚 喪祭 雜祀 附歲時 士習 農業  
工藝 女紅 附商賈 漁戶 弋獵 樵採  
船戶 力役 防禦 廬室 食用  
服飾 器具 宴會 土著

卷十三

人物

選舉 議叙 忠烈 世襲 忠孝 忠正  
忠勇 孝友 文正 孝友 慈善 友愛 信義  
公正 慈善 廉幹 文學 隱逸 流寓  
耆老 節烈 方伎

卷十四

藝文上

疏議 文 碑記 序 傳畧 附 攷  
辯 跋 啟 呈 示 引 誌 墓誌附



卷十五

藝文下

四言  
六言  
詞賦附  
五絕  
七絕  
五律  
七律  
五排  
七排  
五古  
七古

卷十六

雜紀

卷末

跋  
捐修姓氏

長樂縣志

卷之首

三



凡例

一長樂古多長陽地明末漸屬土司雍正十三年改土設縣舊有容美土司田舜年所著世述錄載五峯水瀘石梁各司列傳與其山川古蹟改土後邑拔貢楊福煌所著漁洋小紀未免畧而不詳嘉慶年間前任王需霖與學博沙象乾爲草志二本未經梓行後任袁嶽因去任回籍攜去稿遂遺失邑中更無副本惟存田文相紀畧稿數頁貢生歐陽文斗叙文一則而已至前任喬守中有竹枝詞七十八首亦未免考核不精譏貶太過余因網羅舊聞討求軼事凡邑之沿革

長樂縣志

卷之首

凡例

天文地理人事諸大端叙其顛末或繫以說有久經俗傳者亦並記之期於疑以傳疑信以傳信焉

一沿革疆域湖北通志載元以前爲蠻荒地明初始置五峯深溪石寶石梁下洞平茶水瀘源通塢坪三長官司亦未爲確論查容陽世述錄與五峯張氏家乘長陽縣志各書載五峯各司爲元夏時之長官明末買管長陽之崇德鄉芝蔴坪安寧鄉唐家坪等地又長茅關設指揮一員蕃提隘設巡檢一員天啟七年退保漁洋關是五峯司爲元夏長官長樂古多長陽地土司買管者半改土後再撥長陽石門等縣地以



益之而設縣非若通志所云尤非若喬氏竹枝詞註  
謂幽谿冷谷古爲棄壤雖有割據莫可紀述元明間  
始假年號隸於職方之說也今惟叅世述錄各書及  
改土案定其四界俾閱者知與鄰封犬牙相錯之有  
在庶臂指互相聯絡首尾藉以聲援而保甲之宜有  
良法亦可知矣

一分野之說原屬渺茫前人辨之詳矣然周禮保章氏  
以星野察九州災祥後人因之作志者必備載樂邑  
居長陽鶴峯之中亦以翼星分野爲斷存之以俟精  
於推測者

長樂縣志

卷之首

凡例

二

一樂邑山脈數支來自巴蜀水泉肆出歸於江湖似亦  
未能悉紀今則山必核其形勢水必究其源流有通  
乎鄰邑者必詳載之以見接壤之要隨而物產賦役  
卽各以類從其後

一樂邑營建凡城垣衙署壇廟橋梁諸制創於前人有  
年月可考者詳之無考者闕之寺觀古蹟亦如之其  
碑記文詞馴雅者收入藝文志僅存基址者亦登於  
冊以俟清復

一沿革秩官選舉史書並皆畫表按年分格井然有條  
樂邑沿革在土司時年月皆無可考歸流後秩官無



論文武皆有表記其碑刻尙有遺漏者補入之無考者姑因而存之選舉在明時樂邑爲土司地入長陽縣庠者五峯司張之儒昆季十餘人在漁洋關則有向邦達至 本朝改土後乾隆初年設縣未設學中文武舉者二人俱入他縣籍設學後中副車武舉者二人餘則恩拔歲貢而已所以然者以地方未富足士爲家計累耳奮志青雲猶有望於來者軍功捐輸議叙亦爲收錄以見邑人急公好義爲將來勸流寓有實事者亦附載之

一名宦取信於口碑人物務準諸鄉評凡文武宦績可

長樂縣志

卷之首

凡例

三

考者雖秩有崇卑必兼收並錄至如川楚咽喉在上司時重賦課以養壯兵改土後分宜鎮兵以防守之軍政可資捍衛而民壯保甲與民間自衛之術亦相爲表裏故備錄之其本邑名賢操行不一凡有可記者必記其生平行事大畧則顯微闡幽善善從長意也且耆老爲

熙朝人瑞婦女節孝守貞年例已符悉爲記載生存逾五十者亦附錄之卽激烈過中者亦搜羅收入以勵風化

一史書藝文必載明前賢著書名目分經史子集之類



尊經學重人文也今遍爲搜羅其於邑事有關足資  
典據者悉照古集成式先詩賦後各體並司時忠愛  
所流風雅可歌者亦錄之雜記一冊旁引羣書博採遺  
事要以資來者之考證耳

保岫李煥春識

長樂縣志

卷之首

凡例

四



修志姓名

主修

長樂縣知縣 李煥春 玉山雲南保山縣人道光甲辰科進士

長樂縣儒學訓導潘炳勳 霽堂黃州府蘄水縣人道光辛卯科舉人

分修

候選直隸州州判賴榮光 道光丁酉科拔貢

候選訓導議叙紀錄二次楊嘉壽 歲貢

候選訓導 陳兆元 歲貢

候選教諭 田秦斗 道光己酉科拔貢

參訂

長樂縣志

卷之首

修志姓名

太學生 李素 少自雲南保山縣人

監局

長樂縣典史 張淳 厚堂陝西山陽縣人

邑生員 陳邁文 渭川

湯卓干 鄒嶧山 幹園

採訪

候選訓導 賴榮先 歲貢

胡崇典 歲貢

邑廩生 李春榮 香蹊

余國瀛 仙洲



邑生員

楊東榮 奉朝

向日暉 曉陵

鄒克讓 學孟

王正懋 姬訓

劉國柄

劉振華 梅洲

杜岐庭 鳳岡

駱世香 蘭陵

邑武生

膳錄

邑生員

陳仁齡 壽亭

長樂縣志

卷之首

修志姓名

二

曾煜廷

余國茂 松坡

邑文童

周步奎

魏大春

張天勳

邑書吏

李于祖

曾德修

補修膳錄邑書吏

畢治萬

勸捐

候選復設教諭賴汝霖



邑生員

向日聯

張方巨 曉江

邑職員

王光德 一齋

邑監生

覃長新 曉谷

本城保鄉約 梅相錦

本城街長

保正 吳士華

吏書

黃承先 紹祖

長樂坪鄉約 顏邦瑾

戶書

黃家華

保正 張立太

刑書

劉家璠

百年關保正 薛元太

石梁保鄉約 劉校忠

長樂縣志 卷之首 修志姓名

洋湖鄉約 向元祿

清水灣鄉約 張明英

黃連山保正 吳朝煥

石柱山保正

升子坪保正 裴明典

仁和坪鄉約 朱景運

平溪保鄉約

石坂保鄉約 向元秀



長樂縣志卷之首

長樂古楚地在荊州西南壤接丹陽爲其邊傲可無疑也秦漢而下屬佷山者歷有年所矣以言其內則連天門容美之區以言其外則接夷道松枝之域有明之末爲容美土司屬官五峯水瀘石梁各司買管侵佔者自抵東採花白魚麥莊水瀘石梁木城諸地直達百年關焉雍正末年改土以來再撥長陽石門地益之而設縣東仍界宜都松滋枝江南仍界石門西則界竊峯北仍界長陽建始巴東等州縣其繡壤相錯者蠶叢幾五百里誠不可無輿圖以周知其地

長樂縣志

卷之首

輿圖志

一

域也今以縣城爲綱而以四界爲目舉凡所置三十四保犬牙形勢並分汎塘舖及其山川可紀者合全局而繪於首使人不出戶庭其大勢即可一覽而知復舉城垣


聖宮衙署圖之縣志所重也至於奇境勝概足供遊覽者並繪於簡以見此中別有天地不獨桃源古洞之專美仙境云志輿圖



長樂縣志

卷之首

疆域圖




真

圖

圖

圖





卷之首

疆域圖

東南抵石門松滋宜都界 東北抵宜都長陽界

周禮地官司徒以天下土地之圖周知九州之地域  
 廣輪之數辨其山林川澤邱陵原隰之名物而辨其  
 邦國都鄙之數於是制其畿疆查其日景設其社稷  
 辨其土物凡夫政教禮樂風俗人物一切所由起焉  
 甚矣版章輿圖之重也長樂自古為長陽石門兩縣  
 與容美接壤之區改土後再撥長石宜都松滋枝江  
 地以益之而設縣其封疆之界百餘年來已劃然矣  
 而欲使人知其疆域界限山川建置並可會其分野  
 禮教風俗諸端於象外者舍圖其何從哉予編斯志  
 而紀一縣事實求其令後之人可以考典不忘者猶  
 貴先有以按圖而稽焉圖疆域










長樂縣志

卷之首

城垣圖

四



城垣古有定制創建必懷遠圖總以足資捍衛為要子與氏謂築城  
 鑿池與民守之豈與所云固國不以山谿之險一語相背乎正謂有  
 險可因而守禦必有其人其地不然即金城湯池無足恃也樂邑城  
 垣其來歷體制見於後文嘗詢之居民云乾隆初改土下地漁洋關  
 長樂坪紫金坪等處因稱其土較輕故建於此予謂必取其適中非  
 關係捍衛之大者必取其土重也喬公云時廬堂上之憂亦以其形  
 勢未得缺陷難補需改作耳雖然改作豈易言哉天時不如地利地  
 利不如人和誠要論矣抑又聞之嘉慶二年白蓮教竄入白魚寨彼  
 時大木易求城中設有水卡一聞風鶴兵勇入民皆散則今日之人  
 和又可易得耶然而守斯土者正必計如何而可致眾志之成城焉  
 修志者有城必有圖而樂城正未易圖余故繪其憑山越澗以肖厥  
 真更寫夫遠岫遙峯以補所缺云圖城垣





長樂縣志


卷之首

文廟圖








五

長樂縣

文廟







官與等系馬

長樂縣志

卷之首

文廟圖

六

孔子之祀自漢以來歷代之典禮攸隆矣惟

本朝定鼎而後令天下各府州縣莫不立廟其制度足垂

千古而勿替焉樂邑

文廟建於乾隆三年前任張曾穀歷任來亦隨時修葺予蒞

斯土瞻謁之餘其禮門義路櫺星門大殿之摧折者

亦間有修理誠以妥侑


先師之靈爽者正不敢不整肅也况當茲

聖天子崇尚學校之時明禮教育人才正人心厚風俗皆

於是乎在尤必加之意也哉圖學宮







長樂縣志

卷之首

官廨圖

七


廨

百

日

廨






長樂縣志

卷之首

官廨

官舍之設重矣

朝廷德澤之流將於官乎代沛焉教化之施將於官乎代  
 宣焉政令之行將於官乎代布焉此土之所以設官與  
 官之一切皆奉行夫公事者均賴此也長樂官舍本  
 五峯張士司衙基乾隆初年改土時前任張曾毅因  
 而改建有上房二堂兩廂西花廳大堂科房儀門大  
 門倉神衙神福德各祠矣而捕衙監獄灣潭同知署  
 今改縣丞署及漁洋關縣丞署今與守備今改千把總今  
 城守各汛營署次第建焉後又縣署中建草廳倉房  
 左建考棚焉凡此非以飾觀瞻資休閒也夫亦曰官  
 之居斯舍必有盡其致  
 信澤民之道者耳官舍之設洵重矣哉圖衙署









長樂縣志

卷之首

灣潭圖







立馬裴衷歧路爲問灣潭何處城西烏道盤雲北去  
 蠶叢捲霧雞窠之水西流茅莊河從北注黑沙溪匯  
 成川橫河奔趨紅渡計程八九十里瞥見峯巒回互  
 紅池嶺下霞蒸白果灣中雲護回龍觀畔撩畔細柳  
 營邊散步村墟煙寺紅芳山市人家綠樹中坪梅鹿  
 焉尋古洞龍鬚何幕底須道入柘溪前去崎嶇無數  
 但看山似淨瓶貳尹猶留舊署其中景況蕭閒斲表  
 頻勞指顧莫覓灣裏深潭尚見水光皎素空中玉鏡  
 飛來一片冰心布濩歌成一曲霓裳宰官現身得度





長樂縣志

卷之首

漁洋關圖




漢

美

美





長樂縣志

卷之首

漁洋關圖

山蒼蒼兮水茫茫入漢關兮訪漁洋  
 閭花封兮均百里認桃源兮景物芳  
 田園廣兮土膏腴百穀成兮彙繁昌  
 牛羊息兮雞犬靜衡宇對兮風俗良  
 通舟楫兮商賈集貨財殖兮珍錯藏  
 連山晴兮樵柯響天堰曉兮叱犢忙  
 鐘聲動兮機鳴軋夜雨歇兮書館涼  
 綠陰濃兮依古寺客閒坐兮話滄桑  
 秦漢古兮晉唐遠宋元杳兮前明亡  
 設雄關兮界漢土連百年兮長茅長  
 巡政置兮兵衛奮伊古來兮屬徭陽  
 值聖朝兮闢土地成樂國兮併乃疆  
 憶天官兮石鼓畔吊古蹟兮花院旁  
 談往事兮時已暮日之夕兮月昏黃  
 來峽口兮聽漁唱當高歌兮酒一觴  
 信仙境兮圖不到望美人兮天一  
 方



天門



天門  
馬鞍山

天門  
馬鞍山





天地間山水成耦即名山亦有偶焉縣城北去三十里至水瀟司歷牛車坪經黃連坪岡嶺重疊中又有二石柱一挺高百餘丈圍逕數十丈望之如人立狀其旁一柱較矮亦高數十丈首如仰釜中間積水一泓澄澈四時不涸其上樹木陰翳鳴禽上下而樵逕崎嶇人踪罕至若神山之可望而不可即噫斯不又一奇哉世述錄載張昊修有衙基此其是歟然稱其地出黃連蜜蠟而無水則又可疑也由旁過馬鞍山果老洞在焉再上天門埡紆道磨架洲即通假山古縣閱其境者蓋亦可目眩心迷飄飄然作飛仙想矣因圖石柱九嶺並繪之以見奇觀之不孤云



長樂縣志

卷之首

天生橋圖



橋

天

生

圖










天生橋古名天星橋容羨宣慰司田舜年世述錄載在五峯治  
 內今在本城東北三十里由白鹿莊後過青巖沖下將至其處  
 山逕右起一石巖高數十丈里人移建祖師廟其上廟不甚大  
 躡層階而升亦可小憩自此下坡至平處忽有數十丈深溝中  
 接一逕甚平坦寬約八尺餘兩旁有樹大逾拱把勻齊排列濃  
 陰覆地黛色參天行數武立橋頭望之橋開窺門真如石砌樹  
 根即自石縫中長出晴時水甚清淺下溝上視橋心有太極圖  
 暈旁有一孔斜漏天光如星然所以名天星橋也溝中水自山  
 上流來與青巖沖下西來之水合前係土坪無可行處忽面山  
 下有一石洞水洄入洞中伏流不知所往此道通小林口石子  
 沖入百年關見於春詩註者纂詩矣尤愛此天生奇境為邑中  
 第一名勝也故圖之



長樂縣志

卷之首

壺瓶山圖







大天蒼翠滌下壺瓶冰消變白凍解送青  
 艸瘦添綠苔氣流馨嫩入木穗濃飛漢汀  
 見昔吐秀乃及鐘霧荆南錦障蜀嶺圍屏  
 奔夢洞口遙望亭上提非飛鳥挈爽又丁  
 折登靈屐載呂醪醕捕太白筆繪其真形  
 越龍蒲紙心目一醒






長樂縣志

卷之首

石柱山圖



長樂

縣志





樂山子登乎蠟樹坡諸高處見有奇峯挿天排列雲際者問諸  
 深山民曰此何境也深山民曰此石柱山保之石柱山也由百  
 年關過清水灣可達其境即由漁洋關過小河上猴獮坡亦可  
 達其境自是可通水田子升子坪界山諸保焉樂山子曰盍言  
 其狀深山民曰平地上突生石砧其數有九高者百丈低亦數  
 十尋參差大小不一其形非飛鳥莫能上皆石之所凝結以成者  
 也樂山子嘆曰是殆媧皇所煅煉使鬼斧神斤刪削而成絕無  
 斧鑿痕者與深山民曰相傳石柱本十經雷霆拆去其一前二  
 里許有九條嶺諺云石柱九嶺者此何以故樂山子曰是必天  
 道惡盈別炫其奇故為此九柱九嶺以應重陽之數也此殆造  
 化神秀所鍾有如詩家所云撐住荆南萬古天者蓋常此終古  
 而非共工氏之頭所能觸折矣試圖之